

## Cân William Ellis Williams

I ffwrdd a ti i chwarae  
Oedd geiriau'i fam a'i dad  
Dos i ben Moel Faban  
I weld mor hardd yw'r wlad  
Ond sleifio'n slei wnaeth William  
I mewn i'r sied ar garlam  
I weithio a phendroni, - a gwirioni...  
  
...ar y rhifau, patrymau  
Syniadau, adeiladau,  
Peiriannau, trionglau  
Problemau, mesuriadau di-ri...  
  
Roedd ei ben o'n y cymylau bach gwynion  
Yn meddwl am syniadau bach gwirion  
Yn creu pethau rhyfedd yn llawn o  
olwynion,  
Roedd y llanc o Dyddyn Canol  
Yn fachgen go wahanol...

Yna draw i Fangor  
I'r coleg ar y bryn  
Ei ben yn llawn syniadau  
A'i wyneb bach yn wyn  
Ond i selar yr hen goleg  
Aeth William a'i dechnoleg  
I weithiau a phendroni,.. a gwirioni!  
  
...ar y rhifau, patrymau  
Syniadau, adeiladau,  
Peiriannau, trionglau  
Problemau, mesuriadau di-ri...  
  
Roedd o'n hedfan drwy'r cymylau bach  
gwynion  
Yn edrych i lawr ar y traethau melynion  
Mae Wil yn glamp o Seren  
Mae o wedi creu awyren!  
  
Roedd o'n hedfan drwy'r cymylau bach  
gwynion  
Yn edrych i lawr ar y traethau melynion  
Mae Wil yn glamp o Seren  
Mae o wedi creu awyren!